



碑版文廣例卷四

長洲王芑孫念豐輯

漢

一人兩碑例

碑非一人作爲一人立也祝睦前碑直敘名字起後碑故吏王堂撰先後自敘起費鳳前碑其妻弟卜允撰先敘卒日起其別碑中表石勲撰自作詩敘起既入詩矣又不寓敘事於韻語之中別以散句參錯行閒倉卒莫尋其端緒其格甚奇前無所本後亦未有擬其制者今錄以示異劉寬二碑一故吏李謙等立

一門生郭異等立皆自寬名貫敘起不過李謙敘之
詳郭異敘之略雖詳略稍殊而杼軸無二非文家所
欲知不復箸唐韓柳李宋歐曾王同時往往有分撰
一人事行者或誌或表互相遜避各有義灋漢則無
之也

山陽太守祝睦碑

君諱睦字元德濟陰已氏人也其先蓋高辛氏之
火正以能淳曜天地曰祝融遂獲豐阜之胙輝裔
昌遠大乃侯伯分仕諸夏鄭有祝聃者君其[允]也
君膺恢懿量在約淵澹潛心耽學該洞七典探蹟

窮神無物不辨

字缺二

州郡以孝貢簪賓於王庭除

北海長史潁川鄆令道濟以禮三載之後而民知

讓有恥且格君惟老氏名遂身退色斯翻翔紆精

衡門辟司空府北軍中侯拜大尚書尚書僕射

喉舌納言翼皇正樞遷常山相山陽太守齊和五

品崇化以寬昭德塞回不訓其仁抽拔隱伏

缺

賢

式禮

字缺二

攸堪九功以箸當享繁祿爲帝幹楨年

六十有八延熹七年八月丁巳卒臨困紆續遺令

素櫬翼夔以席賻贈非禮壹不得犯存無玩飾亡

導以儉所謂守終純固者已蓋銘功紀勲所以旌

往示來於是乃共登山鐫石刊勒鴻伐其辭曰

懿我君國之光履忠順闡道常升紫微平機衡統

興詠遺缺不稱馥垂令芳生見樂歿不忘名儷日

億載揚

祝睦後碑

故更王堂等竊聞下有述上之功臣有敘君之德

自昔在前列莫不紀名於典缺六者故孔子曰民

人登祝上天歆焉用永其世而豐其年僚屬欽照

孰不咨賢代作頌曰伊余祝君兆自黎辛祝融苗

胄承獲禎慶光裔熾藐分仕六國張雄諸夏鄭有
祝聃者君其父也昔祖視湯湯治於梁洮顓自朔
家於濟陰君齟齬入學修韓詩嚴氏春秋七典竝
立缺綜百家文豔彬或淵然深識泊然執守躬潔
冰雪介然清皓漸心於道通神達明無物不覽鄉
黨逡逡朝廷便便踐阼州郡階究右坐以孝譽舉
讚拜王庭除北海長史潁川郾令化行如風民應
如草三載考績名登明堂色斯舉矣退身衡門童
冠翔集耽經樂術潛神默記與俗殊好辟司空府
北軍軍中侯擢拜尚書尚書僕射七政館鏐佐輔

斗樞功冠帝庭懿德連優遷常山相山陽太守協
齊行律恢崇三樂追惟九思道闡泮宮埶庸攸同
溫化以禮率由舊章摘隱取伏訓承賢良國無珠
藏悉浴蘭湯壺林巨蔑七子在桑乘蕢遠邈竟界
夷康休釐充缺功馨升揚當高紫祚爲漢棟梁年
六十八寢疾不瘳延熹七年八月丁巳卒臨絕續
竢垂誨素棺蔽以葭發贈襚贈醢非禮之常一不
得當穀無珍玩歿就以約所謂守忠啟予其本也
蓋彰功表勲所以煥往輝來於是三年禮闋乃
相與刊勒金石其辭曰

穆我君邦之陽資五就闡道綱陟太微準樞衡稽
列宿覽四方德合乾翼應皇領二郡曜重光化流
洽提幽昌性天約元用長頌聲作謠令香功烈著
遺椒芳存覲榮淪弗忘稱彌輝元爲常

堂邑令費鳳碑

惟熹平六年歲假於大荒无射之月堂邑令費君
寢疾卒烏呼哀哉於是夫人元弟故

缺三字

守卜

追而誄之其辭曰

君體履柔和溫其如玉修孝友乎閨闈執忠謇於
王室立迹州郡仕更右職舉直措枉彊禦

缺

貨貢

孝三署勲譽有則出宰近甸民懷厥德色斯輕翔

翻然高絜王人述職分缺班爵退已進弟不營

榮祿棲遲厯稔項領滯畜鄣土不庭黔民作虐命

君缺二政化流行從善遷惡三期致道有恥且格

牧守旌功轉左堂邑垂拱不言而民帥伏三時之

閒卒以缺洽嚮天不弔命也蚤歿春秋六十六黎

儀瘁傷泣涕連漉豈愛我躬命不可贖臨終迷缺

字內發祖業良田畝直一金推予弟息辭位讓財

行義高邵卓不可及名實相副有始有卒缺二人

善痛兮切惻

費鳳別碑

君舅家仲孫甘陵石勣字子才載馳載驅來奔於
喪庭肝摧意悲感切傷心瞻彼碑誄懷之好音司
馬慕蘭相南容復白圭仰之以彌高鑽之而彌堅
不堪哀且思敘詩之一篇庶幾昔子夏起夫子之
所言其辭曰

君諱鳳字伯蕭梁相之元子九江太守之長兄也
世德襲爵銀艾相亞恢遐祖之鴻軌拓前代之休
蹤邈邈越而難繼非羣愚之所頌仁義本於心慈
孝著於性言不失典術行不越矩度清潔皦爾渥

而不滓恤憂矜厄施而不記由近及遠靡不覆載
故能闡令名而雲騰揚盛聲而風布踐郡右職三
貢獻計辟州式部忠以衛上漢安二年吳郡大守
東海郭君以君有委蛇之節自公之操年世一舉
孝廉拜郎中除陳國新平長神化風靡惠以流下
靜而爲治匪煩匪擾乾乾日稷矜此黔首功成事
就色斯高舉宰司委職位思賢以自輔元懿守謙
虛白駒以邃阻丹陽有越寇歿缺四命君討理之
試守故鄣長蓋危亂有不讓又畏此之臯罔缺二
而牧爰止其師旅鳩彼飛鷹鷁若夫虓虎彊者

綏以德弱者以仁撫簡在上帝心功訓而特紀輜

輿宰堂邑期月而致道視

缺四字

遂據於卿尹中表

之恩情兄弟與甥舅鳩與女蘿性樂松之茂好聞

君顯令名舉宗爲歡喜不悟奄忽終藏形而匿景

耕夫釋耒耜桑婦投鉤莒道阻而且長望遠淚如

雨策馬循大路褰裳而涉洎悠悠歌黍離黃鳥集

於楚惴惴之臨穴送君於厚土嗟嗟悲且傷每食

缺

不絕夫人篤舊好不以存亡改文平感渭陽悽

惻益以甚諸姑咸辟踊爰及君伯姊孝孫字元宰

生不識考妣追惟厥祖恩蓬首斬縗杖世所不能

爲流稱於鄉黨見吾若君存剝裂而不已一別會
無期相去三千里絕翰永忼慷泣下不可止

案渥而不滓蓋用渥而不緇鴟彼蓋用歟
彼號若蓋用闕如若非假借卽傳授異也

一碑二銘例

漢碑大抵一文而三分之其所稱敘曰文曰辭曰頌
曰銘曰誄曰歎曰亂曰重曰者了無定名亦無定在
并無定體或一散句而兩用韻或三皆用韻義莫測
也桺敏碑則先爲散文敘之而綴以兩辭曰其一辭
曰殿於敘末一辭曰冠於銘首一銘仿周雅一銘仿
楚騷又他碑結銜類從其重故階重則書故階今職

重則書今職敏嘗位於朝矣碑不書官而書之曰孝廉蓋其時敏方去官察舉不書故秩而書今資也其敘世系上極柳宿與張納碑溯自張星者同其立碑又出於同歲生皆漢例之變者故詳舉之

孝廉柳敏碑

故孝廉柳君諱敏字愚卿其先蓋五行星中廿八舍柳宿之精也放像爲用縣設爲道缺商家而禪

缺三

而主或聞生柳惠國大夫而流俗稱焉君父

以孝廉除郎中

缺

部府丞君追祖繼體歷職五官

功曹守宕渠令本初元年太守蜀郡

缺

君復譽舉

君缺命失年君清節儉約厲風子孫固窮守陋不

缺三

堂無文麗墓無碑識建德元年縣長同歲捷

爲屬國趙臺公憤然念素帛之義其二年十月甲

子爲君立碑傳於萬期因勒銘歎之厥辭曰

惟斯桺君天憤鯁

缺

襲祖

缺

風行無遺缺授政股

肱諫爭匡弼奮威外梱屬城震栗宰守不煩垂名
所立表貢王庭望極爵位何辜穹倉官寵不遂予
惟三六庶昔延季建立斯碑傳於萬世子孫繁昌
永不漫滅嗚呼哀哉嗚呼哀哉

辭曰山陵

元

室

缺

斯邦兮先人修質尚約清兮汶

飭不彫隤處臧兮季子信舊帶樹松兮矯俗追歿
激缺揚兮亾而像存樂嘉靈兮宗子於集嗒其鳴
兮四祀烝嘗不廢荒兮

夫豈一人之歿本非一銘例

一碑而列銘有二有三自是漢例然推其所以如此
者蓋漢人本不似唐宋以後某作誌某作表某作行
狀分手爲之其一人歿則生平知舊哀而弔之咸爲
之銘略如今祭文輓詩非限定某作也每一人歿銘
非一手故一碑立銘非一章觀蔡中郎陳太邱碑可
見晚漢文名無過中郎然碑中述曹府君命官作誄

曰遣掾刊石作銘述种府君重部大掾以成時銘而
中郎又自爲之銘在中郎猶且疊牀架屋如此他何
暇論蓋漢之去古猶近其文字直爲應事而作淳悶
樸略一切風氣未開本無義例近來文士或以唐宋
文法上律漢人其講攷訂者又別有漢癖輒撫漢碑
中一二單文孤義片辭隻句以譙訶唐宋其失維均
夫豈知言之選哉

陳太邱碑

先生諱寔字仲弓潁川許人也含元精之和應期
運之數兼資九德總修百行於鄉黨則恂恂焉彬